

Kui Keiser Aleksander I. 1801. ajastajal aujärje päle sai, sis jo olli its Pranzmaal fest surest sõamehhest, Bonapart nimmi, kuulda, et kéllega temma wõito läts, selle ülle temma wõimust sai. Tol ajal es olleke Pranzmaal Kunningat, nink wallitsuse ass'i olli kiik ni seggane, et saäl kélleke ennamb mārastegi ello es olle; sepärrast säed Pranzmarahwas sedda kuulsat Bonaparti 1804. ajastajal hēnnele üllembas wallitsejas nink pand tälle Keisri áwronimme. Ent sega es leppi temma joht weel. Temma himmust ka tōiste Kunningate maad hēnnele saia, läts sure sõawäega Saksamale nink nakkas saäl Preissima Kuningaga nink Austriama Keisriga sōddima. Sārast üllekohhut es wōi meie õnnis Keiser Aleksander natta nink saat omma sõawäkke neile appi. Se olli 1806. nink 1807. ajastajal nink Barklai olli ka man nink näüt mitman lahkingun Pranzuse wasta omma wahwust. Kui se sōdda otsa sai, sis tulli meie Keisril Rootsiaga teggemist, ent Barklai läts 1809. ajastajal 8000 sõamehhega Mārzi-kuul jalla- nink hobbesewäega nink suurte tükkidega ülle merre ea jalgsi Rootsimale nink loot, et Jummal, se tedda sedda teed olli juhhatanu, tedda ka lige temma sõawäega saas ilma lahjota ülle merre saatma. Jummal and laugēt külma nink es lasse sullada, nink Barklai luggu sure merre pääl olli parremb kui 26 ajastajaga pärran sedda Willandi nink Berno worimeeste luggu weina pääl olli (kae sijn kalendrin 33. lehhekülje pääl). Sārast immelikut julgust es mõista Roots mötteldagi nink olli sepärrast ni kui melest ärra, kui meie sõawäggi pasuna hōlliga kui taiwa sõawäe hulk merrest üllestulli, tedda se eest kimbutama, et temma Bonaparti kihhutamise läbbi olli meiega tiusu ajjanu. Barklai löppet sōdda ilma mõega tōmmata nink ilma püssa pauguta seddawisi, et Somema, mes enne sedda Rootsi jaggu olli olnu, meie Keisri kätte sai nink parhillake weel temma käen om, nink Kei-

ser Aleksander teggi Barklaile se eest paljo hääd nink pand tedda ministris ülle lige sõaasja Wennerigin.

Seni kui se sijn meie Keisri mail sündi, olli Bonapart Saksamaal kiik omme jalgu alla sōkkunu nink omman torredusen ni julges lānnu, et temma nõmwo wōt, omma sõawäega ka Wenema sisse tükida. 1812. ajastajal suwwitsel aol nakkas Pranzus ülle Wenne-piri sisse tulles nink teggi figin paigun meie maal paljo üllekohhut nink kahjo. Ent se, ke õigede tassup, kirjut kiik sedda üllekohhut omma ramato päle, tälle sedda kiik ütškōrd kätte tassuma! Keisri polest tulli Barklaile kást, wainlasele sõawäega (127,000 meest) nink suretükkidega (500 tükki) wastaminna nink ka kiik muud Wenne sõawäkke omma üllemba wallitsuse álla wōtta. Tark Barklai tedis kül, et kui Pranzus saasse ennege Wennerigi sūdame sisse küündima, et sis wainlasel ka tōtteste ots kätte tulles; sepärrast es olle temma ni wāga tulline tedda taggastajama (mes kiik immes pānniwa, kea temma nõmwo es tija), enge tagganes es'i temma eest nink pet wainlast its sūwwembide Wenema sisse. Kui Smolenski lina al se hirmus lahking olli olnu, kos mõllembilt poolt mitto ja mitto tuhhat meest olliwa surma sanu, sis anti üllemb-sõawäe-wallitsus ütte tōise kuulsa kindrali kätte, Würost Kutusow nimmi, ke Wenne suggust olli, nink Barklai säeti sis temma wallitsuse álla nink pididi temma kástu kuulma. Kui Barklai sūdada olles kōrkust täus olnu, sis olles se temmal kibbe olnu, wallitsust tōise kätte anda; ent temma olli allandlik nink armast omma Keisrit nink esfamaad ennamb, kui tühja ilukito auwo. Sepärrast aste temma ommast áwwo-paigast rōemsa sõamega mahha nink teggi tōise kindrali wallitsuse al nisamma Keisri tahtmist kui enneke.

Jo teie ollete es'i mõnne atstawku soldati suust kuuldnu, et Bonapart Pranzuse wäega Moskwa linani Wenema sisse tükke nink et fest päiwast et